



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726-422
fax. +387 33 726-423
e – mail: info@voda.ba

Broj: **UP-1/21-2-40-400-2/24**

Datum: **12.08.2024. godine**

„Agencija za vodno područje rijeke Save“ Sarajevo rješavajući po zahtjevu Investitora Adisa Litrić iz Ilijaša, za izdavanje vodne saglasnosti za ispuštanje tehnoloških otpadnih voda i aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku izgradnje i rada farme za uzgoj muznih krava planirane za izgradnju u naselju Behrići, općina Kiseljak, na osnovu 109. stav (2) tačka 1. Zakona o vodama («Službene novine Federacije BiH», broj 70/06) i člana 200. stav (1) Zakona o upravnom postupku («Službene novine Federacije BiH», broj 2/98, 49/99 i 61/22), donosi

RJEŠENJE **o vodnoj saglasnosti**

1. Investitoru, Litrić Adisu iz Ilijaša, daje se vodna saglasnost za ispuštanje tehnoloških otpadnih voda i aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku izgradnje i rada farme za uzgoj muznih krava, kapaciteta 10 grla, koja se planira graditi u naselju Behrići, općina Kiseljak, na zemljištu označenom kao k.č. broj: 1125/6 K.O. Gomionica a u skladu sa projektnom dokumentacijom:
 - Glavni projekat vanjskih hidroinstalacija za štalu za krave kapaciteta od 10 komada, investitora Litrić Adisa, urađena od strane ovlaštenog pravnog lica „PERSPEKTIVA-inžinjering“ d.o.o. Visoko, avgust 2024. godine a u postupku pribavljanja odobrenja za gradnju.
2. Ova vodna saglasnost ne oslobađa podnosioca zahtjeva obaveze pribavljanja saglasnosti i dozvola, od strane drugih nadležnih organa, a sve u skladu sa važećim zakonskim propisima, odlukama i dr.
3. Vodna saglasnost se daje na osnovu utvrđenog činjeničnog stanja i pregleda investiciono-tehničke dokumentacije iz tačke 1. ovog Rješenja koja je sastavni dio ovog rješenja i ista se ovjerena od strane ove Agencije sve u skladu sa odredbama člana 114. stav (3) Zakona o vodama vraća investitoru na trajno čuvanje, a ista će se koristiti u postupku pribavljanja odobrenja za rekonstrukciju u smislu propisa o prostornom uređenju.
4. Vodna saglasnost se daje pod slijedećim uslovima:
 - 4.1. Radove na izgradnji objekata i sistema za prikupljanje, odvođenje i prečišćavanje otpadnih voda sa lokacije farme muznih krava izvesti u skladu sa ovjerenom projektnom dokumentacijom iz tačke 1. dispozitiva ovog Rješenja.
 - 4.2. Nakon izvođenja radova na sistemu prikupljanja, odvodnje i prečišćavanja otpadnih voda, objekata za zbrinjavanje tečnog i krutog otpada (stajnjaka) sa lokacije farme muznih krava, saobraćajnih i pripadajućih manipulativnih površina, potrebno je izvršiti ispitivanja kvaliteta izvedenih radova na vodonepropusnost i bezbjednost od curenja, a u cilju zaštite površinskih i podzemnih voda.
 - 4.3. Način ugradnje uređaja za tretman otpadnih voda i stavljanje istog u pogon uskladiti sa uputama proizvođača opreme u svim fazama.
 - 4.4. U toku radova iskopani materijal se ne smije ni privremeno odlagati na česticu „vodno dobro“, odnosno u vodotoke i na njegove obale.
 - 4.5. U toku izvođenja radova, neophodno je poduzeti sve potrebne mjere zaštite, da predmetnim aktivnostima ne dođe do nastanka štete ili nepovoljnih posljedica po vode i vodni režim.
 - 4.6. Prilikom izvođenja radova treba koristiti opremu i mašine koje su tehnički ispravne, bez curenja tečnih goriva, maziva, hidrauličkih ulja i sl.
5. Ukoliko se u toku izvođenja radova i korištenja predmetnog objekta prouzrokuju štetne promjene režima voda i to prouzrokuje štete trećim licima, podnosilac zahtjeva je obavezan otkloniti nastale štete, a procijenjenu štetu nadoknaditi.

6. Investitor je obavezan pridržavati se svih mjera i uslova, propisanih u ovoj vodnoj saglasnosti i saglasnostima izdatim od strane drugih nadležnih organa.
7. Po završetku izgradnje predmetnih objekata i obavljenog tehničkog pregleda izvedenih radova, korisnik vodne saglasnosti dužan je podnijeti zahtjev za izdavanje vodne dozvole. Zahtjev se dostavlja u skladu sa članom 12. i 19. Pravilnika o sadržaju, obliku, uslovima, načinu izdavanja i čuvanja vodnih akata („Sl. novine Federacije BiH“ broj: 31/15, 55/19, 41/20 i 63/22).
8. Ova vodna saglasnost prestaje važiti istekom roka od dvije godine od dana pravosnažnosti rješenja, ukoliko u tom periodu ne bude pribavljeno odobrenje za gradnju i započeta rekonstrukcija objekata u skladu sa glavnim projektom iz tačke 1. dispozitiva ovog rješenja.
9. Ova vodna saglasnost može se izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev.

Obrazloženje

Investitor Adis Litrić iz Ilijaša, pismenim zahtjevom zaprimljenim u ovoj Agenciji dana 07.08.2024 god., zatražilo je izdavanje vodne saglasnosti za ispuštanje tehnoloških otpadnih voda i aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku izgradnje i rada farme za uzgoj muznih krava, kapaciteta 10 grla, koja se planira graditi u naselju Behrići, općina Kiseljak, na zemljištu označenom kao k.č. broj: 1125/6 K.O. Gomionica u postupku pribavljanja odobrenja za gradnju.

U provedenom postupku, uz zahtjev za izdavanje vodne saglasnosti dostavljena je slijedeća dokumentacija:

A. Opšta dokumentacija

- Uplatnica za upravnu taksu u iznosu od 60.00 KM,
- Kopija lične karte Litrić Adisa iz Ilijaša
- Rješenje o izdavanju urbanističke saglasnosti broj: 03-19-2743/23 od 08.04.2024 godine izdato od strane Službe za gospodarstvo, urbanizam, zaštitu okoliša i komunalne poslove, Općina Kiseljak,
- Urbanističko-tehnički uslovi broj: 03-19-2741/23 od 07.03.2024 godine izdato od strane Službe za gospodarstvo, urbanizam, zaštitu okoliša i komunalne poslove, Općina Kiseljak,
- Rješenje o prethodnoj vodnoj saglasnosti broj: UP1-06-21-2391/2024 od 01.04.2024 godine izdato od strane Ministarstva poljoprivrede, vodoprivrede i šumarstva Srednjobosanskog kantona.

B. Tehnička dokumentacija

- Glavni projekat vanjskih hidroinstalacija za štalu za krave kapaciteta od 10 komada, investitora Litrić Adisa, urađena od strane ovlaštenog pravnog lica „PERSPEKTIVA-inžinjeri“ d.o.o. Visoko, avgust 2024 godine urađen od strane ovlaštenog pravnog lica "IBIS" d.o.o. Zavidovići, avgust 2024 godine

U provedenom postupku konstatovano je sljedeće:

Glavni projekat, iz tačke 1. dispozitiva ovog Rješenja, urađen je od strane ovlaštenog pravnog lica.

Lokacija na kojoj se planira graditi objekat za smještaj muznih krava se nalazi u naselju Behrići, općina Kiseljak, na parcelama 1125/6 K.O. Gomionica. Kapacitet objekta za smještaj muznih krava je 10 grla.

Snabdijevanje vodom za potrebe farme kapaciteta 10 grla će se obezbijediti iz vlastitog bunara koji se nalazi na predmetnoj lokaciji.

Podnosilac zahtjeva je pribavio Rješenje o prethodnoj vodnoj saglasnosti za snabdijevanje vodom predmetne farme od nadležnog organa.

Predmetni objekat će biti dimenzija 10,00x6,00 m i sastojat će se od prizemlja i potkrovlja.

Tehnološke otpadne vode će nastajati kao tečni otpad od čišćenja štala i prostora oko štala, osoke iz štala, procjedne vode sa deponije čvrstog stajnjaka i sl.

Tehnološke otpadne vode će se zasebnim odvodnim kanalizacionim sistemom odvesti u vodonepropusnu đubrišnu jamu sa osočnom jamom bez preliva, odgovarajućih dimenzija, koji će obezbijediti pravilno skladištenje istih.

Čišćenje štala će se vršiti ručno te će se kruti otpad privremeno odlagati u prostor koji će biti namijenjen za isto - đubrišna jama sa osočarom koji bi trebao biti natkriven, a zatim odvoziti na poljoprivredne površine.

U stambenom objektu na istoj lokaciji se nalazi prostorija gdje će se biti smješten laktofriz i ostala oprema za mlijeko. Tehnološke otpadne vode od pranja opreme za mlijeko će se prikupiti te odvesti na tretman u mastolov a potom ispuštati kanal.

Podnosilac zahtjeva je pribavio Rješenje o urbanističkoj saglasnosti od nadležnog organa čime potvrđuje da predmetna lokacija nije u koliziji sa planskim dokumentima općine Kiseljak.

Urbanističke uslove za izgradnju predmetnog poslovnog objekta, podnosiocu zahtjeva je nadležni organ propisao kroz izdato Rješenje o urbanističkoj saglasnosti.

U ispitnom postupku utvrđeno je da je projektna dokumentacija urađena u skladu sa uslovima iz Rješenja o prethodnoj vodnoj saglasnosti, broj: UP-1/25-1-40-331-5/24 od 19.07.2024 godine izdato od strane "Agencije za vodno područje rijeke Save" Sarajevo, te je shodno članu 114. Zakona o vodama, upisivanjem broja i stavljanjem otiska pečata ove Agencije na projektnu dokumentaciju iz tačke 1. dispozitiva ovog Rješenja, data je vodna saglasnost na isti.

Na osnovu utvrđenog činjeničnog stanja, a u cilju smanjenja negativnih uticaja predmetne gradnje na stanje voda i vodni režim, podnosiocu zahtjeva su ovom vodnom saglasnosti, u dispozitivu ovog rješenja, propisani uslovi koje je potrebno ispuniti tokom izvođenja radova, shodno odredbama Zakona o vodama i Pravilnika o sadržaju, obliku, uslovima, načinu izdavanja i čuvanja vodnih akata.

Podnosilac zahtjeva je uplatio upravnu taksu u iznosu od 60 KM u skladu sa članom 7. stav 1. tarifni broj 43. Zakona o federalnim upravnim taksama („Službene novine F BiH“, broj 6/98, 8/00, 45/10, 43/13).

Uputa o pravnom lijeku

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva u roku od 15 (petnaest) dana od dana prijema rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Obrađivač akta: Behija Ahmedić dipl.inž.tehn.

Po ovlaštenju
Rukovodilac sektora za izdavanje
vodnih akata

Nihad Pezo dipl.inž.grad.

Dostaviti:

- Adis Litrić, Behrići 42, Kiseljak (Prilog-Ovjerena Tehnička dokumentacija navedena pod tačkom B obrazloženja Rješenja)
- AVP-ISV -Vodna knjiga
- ☞ Sektor 40, arhiva
- Oglasna tabla AVP-Sava Sarajevo